

სსიპ–საქართველოს ინტელექტუალური საკუთრების ეროვნული ცენტრი
„საქპატენტი“

გამარტივებული ელექტრონული ტენდერის საშუალებით
საბეჭდი ქაღალდის (CPV30100000) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და
„გამარტივებული შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის დამტკიცების შესახებ“ სახელმწიფო
შესყიდვების სააგენტოს თვმჯდომარის 07.04.2011წ. N9 ბრძანების საფუძველზე

დაფინანსების წყარო: საკუთარი სახსრები

ქ. თბილისი 2011 წ.

სარჩევი

1. ტექნიკური დავალება3
2. საკვალიფიკაციო მოთხოვნები..... 5
3. სახელმწიფო შესყიდვის შესახებ ხელშეკრულების პროექტი 7
4. დანართი №1 ფასების ცხრილი 12
5. ხელშეკრულების უზრუნველყოფის გარანტია (ფორმა)..... 13

1. ტექნიკური დავალება

1.1. შესყიდვის ობიექტი – საბეჭდი ფორმები ან ცილინდრები ან ბეჭდვისას გამოსაყენებელი სხვა საშუალებები ქვემოთ მოცემული სპეციფიკაციებითა და რაოდენობით:

№	ქ ა ლ ა დ ი ს და ს ა ხ ე ლ ე ბ ა	ს ა ხ ე ო ბ ა	ქაღალდის ზ ო მ ა	ფურცლი ს წ ო ნ ა	შეკერის რაოდენობა	ფურცლების რაოდენობა შეკერაში
1	ოფსეტის ქ ა ლ ა დ ი	თეთრი	60X84	70/80	2	500
2	ცარცის ქ ა ლ ა დ ი	პრიალა	64X90	130	8	250
3	ცარცის ქ ა ლ ა დ ი	მატი	64X90	130	6	250
4	ცარცის ქ ა ლ ა დ ი	პრიალა	64X90	170	8	250
5	ცარცის ქ ა ლ ა დ ი	მატი	64X90	170	8	250
6	ცარცის ქ ა ლ ა დ ი	პრიალა	70X100	200	3	250
7	ცარცის ქ ა ლ ა დ ი	მატი	64X90	250	8	125
8	ცარცის ქ ა ლ ა დ ი	პრიალა	64X90	250	8	125
9	ცარცის ქ ა ლ ა დ ი	მატი	70X100	300	8	125
10	ცარცის ქ ა ლ ა დ ი	პრიალა	70X100	300	10	125
11	ცარცის ქ ა ლ ა დ ი	პრიალა	64X90	300	10	125
12	ცარცის ქ ა ლ ა დ ი	მატი	64X90	300	10	125
13	ბრისტოლის ქ ა ლ ა დ ი	პრიალა	64X90	300	1	100
სულ:					90	
ასევე: ქაღალდი სავიზიტო ბარათებისათვის, ტილო ფაქტურის: 500 ფურცელი ქაღალდი ფოტოებისათვის/ფოტოქაღალდი A4 ფორმატის 2 შეკერა ქაღალდი თვითწებადი A2 ფორმატის 500 ფურცელი						

1.2. შემოთავაზებული საქონელი სავალდებულოა იყოს მაღალი ხარისხის.

1.3. საქონლის მიწოდება უნდა განხორციელდეს ხელშეკრულების გაფორმებიდან არაუგვიანეს 20 კალენდარული დღისა (შესაძლებელია საქონლის მიწოდება განხორციელდეს როგორც ერთიანად ისე ეტაპობრივად).

1.4. პრეტენდენტების მიერ აუცილებელია წარმოდგენილი იქნეს შემოთავაზებული პროდუქციის ხარისხის სერთიფიკატი.

1.5. საქონლის მიწოდება უნდა განხორციელდეს ქ. თბილისში, შემსყიდველის მიერ მითითებულ მისამართზე.

1.6. სატენდერო წინადადებით წარმოდგენილი საქონლის საერთო და ერთეულის ფასი წარმოდგენილი უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

1.7. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში – ლარში.

1.8. პრეტენდენტის მიერ წარმოდგენილი ალტერნატიული წინადადება არ განიხილება.

2. ანგარიშსწორების პირობები

2.1. ანგარიშსწორება მოხდება უნაღდო ანგარიშსწორებით საქართველოს ეროვნულ ვალუტაში – ლარში.

- 2.2. ანგარიშსწორება განხორციელდება მიმწოდებლის მიერ ფაქტიურად მიწოდებული საქონლის შესაბამისი მიღება-ჩაბარების აქტზე მხარეთა ხელმოწერის და საანგარიშსწორებო დოკუმენტაციის (საგადასახადო ანგარიშ-ფაქტურა, სასაქონლო ზედნადები) წარდგენიდან 10 კალენდარული დღის განმავლობაში.
- 2.3. წინასწარი ანგარიშსწორება (ავანსი) არ გამოიყენება.

3. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- 3.1. სატენდერო წინადადებაში დეტალურად უნდა იქნეს მოცემული შემოთავაზებული თითოეული საქონლის მოდელი, მწარმოებელი და სხვა ტექნიკური მონაცემები.
- 3.2. შემოთავაზებული პროდუქციის ხარისხის სერთიფიკატი.
- 3.3. ინფორმაცია ორგანიზაციის რეკვიზიტების შესახებ (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი).
- 3.4. მისაწოდებელი საქონლის ფასების ცხრილი დანართი №1-ის შესაბამისად (ცხრილში დეტალურად უნდა იქნეს მითითებული თითოეული პროდუქტის მწარმოებელი, მოდელი და სხვა ტექნიკური მონაცემები).
- 3.5. ინფორმაცია სატენდერო წინადადების მოქმედების ვადის შესახებ (სატენდერო წინადადება უნდა მოქმედებდეს მისი სისტემაში ატვირთვის დღიდან, ტენდერისათვის „ხელშეკრულება დადებულია“, „დასრულებულია უარყოფითი შედეგით“, ან „ტენდერი შეწყვეტილია“ სტატუსის მინიჭებამდე).
- 3.6. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 30 კალენდარული დღით ტენდერისათვის სტატუსის “წინადადებების მიღება დაწყებულია” მინიჭების ეტაპიდან.

4. საკვალიფიკაციო მოთხოვნები

საკვალიფიკაციო მოთხოვნების თანახმად გამარჯვებულმა პრეტენდენტმა უნდა წარმოადგინოს შემდეგი დოკუმენტები:

იურიდიული პირებისათვის:

ა) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

ფიზიკური პირებისათვის:

ა) პირადობის მოწმობის ან პასპორტის ასლი;

ბ) ნასამართლეობის შესახებ ცნობა შესაბამისი უფლებამოსილი ორგანოდან, რომლითაც დასტურდება რომ პირი არ არის ნასამართლევი.

არარეზიდენტი პირებისათვის:

არარეზიდენტმა პრეტენდენტებმა საკვალიფიკაციო მოთხოვნებით გათვალისწინებული დოკუმენტები უნდა წარმოადგინონ თავიანთი ქვეყნის შესაბამისი უფლებამოსილი ორგანოებიდან, რომლებიც თარგმნილი უნდა იყოს ქართულ ენაზე და დამოწმებული იყოს სათანადო წესით.

შენიშვნა: საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები გაცემული უნდა იყოს ტენდერისათვის სტატუსის – „ტენდერი გამოცხადებულია“ მინიჭების შემდეგ. აღნიშნული დოკუმენტები წარმოდგენილი უნდა იქნეს მხოლოდ გამარჯვებული პრეტენდენტის მიერ, შემსყიდველი ორგანიზაციის წერილობითი მოთხოვნის შესაბამისად. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, წერილობითი ფორმით. პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას და მას არ დაუბრუნდება სატენდერო წინადადების უზრუნველყოფის გარანტიის თანხა.

საკვალიფიკაციო მონაცემები შემდგომ დაზუსტებას არ ექვემდებარება

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის გარანტია სახელშეკრულებო ღირებულების 5%-ის ოდენობით.

აღნიშნული გარანტიის წარმოდგენა უნდა განხორციელდეს სახელმწიფო შესყიდვის შესახებ ხელშეკრულების გაფორმებამდე და მისი მოქმედების ვადა უნდა აღემატებოდეს საქონლის მიწოდების ვადას არა ნაკლებ 30 კალენდარული დღით. (ნიმუში მოცემულია სატენდერო დოკუმენტაციაში დანართი №2).

შენიშვნა: გამარჯვებულმა პრეტენდენტმა სახელმწიფო შესყიდვის შესახებ ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 98-85-18. საკონტაქტო პირი: გიორგი ჯავახიშვილი.

სახელმწიფო შესყიდვის შესახებ ხელშეკრულება №

ქ. თბილისი

_____ 2011 წ.

ერთის მხრივ, საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის - 2010 წლის 31 დეკემბრის N39 ბრძანებით მინიჭებული უფლებამოსილების საფუძველზე) და მეორეს მხრივ, —
 _____ (შემდგომში „მიმწოდებელი“) წარმოდგენილი მისი დირექტორის _____
 სახით, სახელმწიფო შესყიდვების შესახებ კანონის, №SPA----- გამარტივებული ელექტრონული ტენდერის შედეგებისა და მიმწოდებლის სატენდერო წინადადების საფუძველზე, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „ფასების ცხრილი“ – №SPA_____ გამარტივებულ ელექტრონულ ტენდერში მიმწოდებლის მიერ წარმოდგენილი ვაჭრობის შედეგად დაფიქსირებული საბოლოო ღირებულების შესაბამისი ფასების ცხრილი, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს „საბეჭდი ფორმები ან ცილინდრები ან ბეჭდვისას გამოსაყენებელი სხვა საშუალებები“ (CPV30199000) (შემდგომში - საქონელი).
- 2.2. საქონლის დასახელება, რაოდენობა, ფასი და ტექნიკური მახასიათებლები მოცემულია მიმწოდებლის მიერ წარმოდგენილ ფასების ცხრილში (დანართი N1), რომელიც წარმოადგენს ხელშეკრულების განუყოფელ ნაწილს.

3. მხარეთა უფლება-მოვალეობანი

- 3.1. შემსყიდველი უფლებამოსილია:
 - 3.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებით;
 - 3.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი (ინსპექტირება).
- 3.2. შემსყიდველი ვალდებულია:
 - 3.2.1. უზრუნველყოს მიწოდებული საქონლის ღირებულების ანაზრაურება ხელშეკრულებით გათვალისწინებულ ვადებში.
- 3.3. მიმწოდებელი უფლებამოსილია:
 - 3.3.1. მოსთხოვოს შემსყიდველს საქონლის ღირებულების ანაზღაურება

ხელშეკრულებით გათვალისწინებული ვადებისა და პირობების დაცვით.

3.4. მიმწოდებელი ვალდებულია:

- 3.4.1. გადასცეს შემსყიდველს ტექნიკური დოკუმენტაციის შესაბამისად ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში;

4. საქონლის მიწოდებისა და მიღება-ჩაბარების პირობები

- 4.1. მიმწოდებელი ვალდებულია საქონლის მიწოდება განხორციელოს ხელშეკრულების გაფორმებიდან არაუგვიანეს 30 კალენდარული დღისა, მიწოდება განხორციელდება ქ. თბილისში, შემსყიდველის მიერ მითითებულ მისამართზე. (შესაძლებელია საქონლის მიწოდება განხორციელდეს როგორც ერთიანად ისე ეტაპობრივად).
- 4.2. მიმწოდებელი საკუთარი რისკითა და ხარჯით უზრუნველყოფს საქონლის მიწოდებას 4.1. მუხლით გათვალისწინებულ შემსყიდველის მიერ მითითებულ მისამართზე.
- 4.3. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 4.4. შემსყიდველი უფლებამოსილია უარი განაცხადოს უხარისხო საქონლის მიღებაზე.
- 4.5. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: _____.

5. ხელშეკრულების საერთო ღირებულება

- 5.1. ხელშეკრულების საერთო ღირებულება შეადგენს _____ ლარს დამატებული ღირებულების გადასახადის ჩათვლით.
- 5.2. ხელშეკრულების საერთო ღირებულება მოიცავს ხელშეკრულებით გათვალისწინებული საქონლის შესყიდვასთან და მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

6. ანგარიშსწორების ფორმა და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში – ლარში.
- 6.2. ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები:
- 6.2.1. მხარეთა მიერ ხელმოწერილი მიღება-ჩაბარების აქტი;
- 6.2.2. საგადასახადო ანგარიშ-ფაქტურა;
- 6.2.3. სასაქონლო ზედნადები.
- 6.3. ანგარიშსწორება განხორციელდება ფაქტობრივად მიწოდებული საქონლისა შესაბამისად, 6.2. პუნქტით გათვალისწინებული დოკუმენტაციის წარდგენიდან 10 კალენდარული დღის განმავლობაში, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით.

7. გარანტია და მხარეთა პასუხისმგებლობა

- 7.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 7.2. მიმწოდებელი პასუხისმგებელია მიწოდებული საქონლის ხარისხზე. მიწოდებულ საქონელზე ნაკლის აღმოჩენის შემთხვევაში, მიმწოდებელი საკუთარი ხარჯითა და პასუხისმგებლობით უზრუნველყოფს არსებული ნაკლის აღმოფხვრას შემსყიდველის მიერ ნაკლის გამოვლენის თაობაზე მისთვის (მიმწოდებლისთვის) გაგზავნილი წერილობითი

შეტყობინების მიღებიდან არაუგვიანეს 5 დღისა. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას ამ პუნქტით დადგენილ ვადაში, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების საერთო ღირებულების 0,2%-ის ოდენობით ყოველ ვადაგადაცილებულ დღეზე.

- 7.3. ტრანსპორტირების (მიწოდების) პროცესში საქონლის დაზიანებით გამოწვეული ზიანის ანაზღაურება ეკისრება მიმწოდებელს.
- 7.4. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,2%-ის ოდენობით.
- 7.5. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 7.6. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში, მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.
- 7.7. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 7.8. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

8. ხელშეკრულების შესრულების უზრუნველყოფის გარანტია

- 8.1. ხელშეკრულების შესრულების უზრუნველყოფის მიზნით გამოიყენება მიმწოდებლის მიერ წარმოდგენილი საბანკო გარანტია ხელშეკრულების საერთო ღირებულების 5%-ის ოდენობით.
- 8.2. მიმწოდებლის მიერ ხელშეკრულებით ნაკისრი ვალდებულებების დარღვევის (ვალდებულებების შესრულებაზე უარის თქმა, უხარისხოდ, არჯეროვნად შესრულების) შემთხვევაში შემსყიდველი განახორციელებს საბანკო გარანტიის რეალიზებას.
- 8.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია უზრუნველყოს გარანტიის დაუყოვნებლივ დაბრუნება.
- 8.4. მიმწოდებლის მიერ წარმოდგენილი გარანტიის მოქმედების ვადა არანაკლებ 30 კალენდარული დღით უნდა აღემატებოდეს საქონლის მიწოდების ვადას.

9. მხარეთა პასუხისმგებლობისაგან გათავისუფლება

- 9.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;
- 9.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის

- გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვა).
- 9.3. მხარემ, რომელსაც შეექმნა ფორს-მაჟორული გარემოება ვალდებულია დაუყოვნებლივ, მაგრამ არაუგვიანეს 5 დღისა წერილობით შეტყობინოს მეორე მხარეს აღნიშნული გარემოების და მისი აღმოფხვრის სავარაუდო ვადის შესახებ.
- 9.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 9.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.

10. ხელშეკრულებით ნაკისრი ვალდებულებების შესრულების ინსპექტირება

- 10.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 10.2. ხელშეკრულების „10.1.“ პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს _____.

11. ხელშეკრულებაში ცვლილებების შეტანა

- 11.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 11.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

12. ხელშეკრულების მოქმედების ვადა და შეწყვეტის პირობები

- 12.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია 2011 წლის - ----- მდე.
- 12.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 12.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 2 (ორი) კვირის ვადაში, იმ შემთხვევაში, თუ:
- 12.3.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
- 12.3.2. წინამდებარე ხელშეკრულების მე-12 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;
- 12.3.3. დაუძლეველი ძალის (ფორს-მაჟორი) მოქმედება გრძელდება 1 თვეზე მეტ ხანს;
- 12.3.4. წინამდებარე ხელშეკრულების 7.6. და 7.7. პუნქტებით გათვალისწინებულ შემთხვევას ექნება ადგილი.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. დასკვნითი დებულებები

- 14.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 14.2. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს წინამდებარე ხელშეკრულებით ნაკისრი ვალდებულებები მესამე პირს.
- 14.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 14.4. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით.

მხარეთა რეკვიზიტები და ხელმოწერები

შემსყიდველი

მიმწოდებელი

ვლადიმერ სიხარულიძე
საფინანსო დეპარტამენტის უფროსი
საქართველოს ინტელექტუალური საკუთრების ეროვნული ცენტრი „საქპატენტი“
ს/ კოდი: 203831363
მის: საქართველო, ქ. თბილისი
შ. რუსთაველის გამზ. №30

საბანკო რეკვიზიტები:
ს/ს „საქართველოს ბანკი“
ბანკის კოდი: BAGAGE22
ანგარიშის N: GE57BG0000000892218200

დირექტორი
შპს „-----“
ს/ კოდი: -----
მის: -----

საბანკო რეკვიზიტები:
ბანკი: -----
ბანკის კოდი: -----
ანგ. №-----

ფასების ცხრილი (დღგ-ს ჩათვლით)

პრეტენდენტის დასახელება _____

№	საქონლის დასახელება	საქონლის ძირითადი მახასიათებლები	მწარმოებელი და პროდუქტის მოდელი	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7	8	9

პრეტენდენტის ხელმოწერა _____

ბეჭედი

**ხელშეკრულების შესრულების საგარანტიო უზრუნველყოფა
(საბანკო გარანტია)**

ვის: _____
(შემსყიდველის დასახელება)

მხედველობაში ვიღებთ რა, რომ _____
(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

(თანხა ციფრებით)

(თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)